


SLUZBA VODIMI TARO MANGIPE



Lección 9 para el 29 de agosto de 2026

„Sose taro but muke
thaj muke taro srce
pisingum tumenge bute
asvencar, na za da te
oven tuzna, nego za da
te canen kozom
mangava tumen”
(2.Korintjanite 2:4)






Ci keda kuvaja ko prouciba ko dujto poslanie taro Pavle ci ko Korintjanija, zabelezinaja deka o apostoli tano but zaentirisirimo za i blagostojba tari crkva.

Iako nikad na ine lesno te sledinenpe e Devlese drumija ko akava sveto perdo so greh, ko prvo veko o proglasiba pes korkori za jek hristijani sainga te vklucinel ozbilna teskotije.

O Pavle podgotvinela i crkva te soocinelpa so akala teskotije, thaj andral thaj od avrijal, thaj te ucinel len te formirinen telo obedinimo ko nesebichno mangipe. Taro akava sovet saj avdive te ucina te ova „miris taro zivoto so vodanela kon o zivoto“ (2.Korintjanite 2:16).



E Devlesi uteha ko stradipa.



Svetost thaj iskrenost ko sluziba.



Mudrost.



Oprostiba thaj obnoviba



Miris e Hristoso.

E DEVLESI UTEHA KO STRADIPA

„O Devel utesinelamen ko amare nevolje, za da saj thaj amen te utesina okolen soj tane ki savi bilo nevolja, so uteha kolate korkori amen utesingam amen“. (2.Korintjanite 1:4).

Ko dujto posalnije ci ko Korintjanija tano poslanije koleste o Pavle najopsirno kerela lafi za ki uteha. I Crkva nakela taro paro periodi, a o prethodna poslanije taro Pavle frdingalen ki sostojba tari tuga.

Ali adaja tuga ine „pobozno“, so anga ci ko pokaiba (2.Korintjanite 7:10). Adalese o Pavle na mangela adaja tuga te sovladinel len, nego te oven utesime.



Ov korkori nakla taro periodija keda oleso zivoto ine ko opasnost thaj obeshrabringape (2.Korintjanite 1:8-10). Ali, O Devel utesinelale, thaj akana ov prenesinela adaja uteha ki crkva (2.Korintjanite 1:6).

E DEVLESI UTEHA

➔ Oslobodinelamen tari dar.

➔ Potsetinelamen ko vreme keda pomozingamen.

➔ Pomozinelamen te izdrzina o nevolje.

➔ Vodinelamen kon ki duhovno zrelost.

➔ Ohrabrinelamen te zalagina za javera.


➔ Tesinajamen jek javere sar so inamle utesime taro Devel

SVETOST THAJ ISKRENOST KI SLUBA

„Sose falinajamen so svedostvo tari amari sovest: zivinaja ko sveto, a osobeno kon tumende, so svetost thaj iskrenost palo Devel: na zivinaja pali manusikani mudrost, nego pali Devlesi blagodat“.
(2.Korintjanite 1:12)

Nesave manusa potceninena e Pavle, obvinibaja ole deka tano slabo thaj neodlucno (2.Korintjanite 10:10). Bashi akaja pricina, thaj za da te ovelpe prifatimo oleso sovet, ine potrebno o apostoli te braninelpo taro asavko obviniba.


Sar manus, ov smetingape pes korkori za beznacajno (Efesjanite 3:8). Ali, e Devlese blagodataja, sainga te pofalinelpo deka isile cisto sovest (2.Korintjanite 1:12).



Bashi akaja pricina, e Pavlese lila ine oslobodime taro garavde namere. Ov nadingape deka akala lila ka oven citime thaj razbirime ko akava kontekst taro svetost thaj iskrenost – odnosno pisime taro mangipe kon olende thaj rodibaja samo olengo sukaripe (2.Korintjanite 1:13-14).



Ov thaj olese sorabotnikija sainge so sigurnost te vakeren deka oleso odnesiba ine sveto thaj iskreno (cisto), thaj ki crkva thaj avrijal tari crkva.



ODNESINEN TUMEN MUDRO

„Ali, povikuinava e Devle za svedoko protiv miri dusa, deka za da te postedinav tumen, sa panda na alum ko Korint“ (2.Korintjanite 1:23).

Ko piro prvo lil, o Pavle informiringa e Korintjainen za o drumo so planiringa te izberinile (1.Korintjanite 16:5-11).

Efes

Makedonija

Korint

Judeja

Ko pokasno lil (nasavdo, 2.Korintjanite 7:8) ov informiringa deka ka posetinel len duj putija (2.Korintjanite 1:15-16):

Efes

Korint

Makedonija

Korint

Judeja

Sepak, ov promeninga pire planija thaj resinga te na ostvarinel adaja prvo poseta (2.Korintjanite 1:23). Akala promene angele ci ko odova nesave te kritikuinenle deka tano nestabilno thaj koleblivo. Sose predomislingape? O Prisustvo taro Pavle ko Korint izgledinga neophodno bashi o problemija adari. Ali, o protiviba koleste ka arakelpa podrazbiringa konfrontacija so mangla te izbeginel la, bashi o baro mangipe so inele prema olende (2.Korintjanite 2:1-4).



OPROSTIBA THAJ OBNOVA

„Thaj kase tumen ka oprostinen, olese thaj me ka oprostinav: sose so oprostringum, ako oprostringum nesto, oprostringum angla ko Hristos bashi tumenge“ (2.Korintjanite 2:10).

Ci keda O Pavle ine ko drumo kon o Troada, o Tit gelo ko Korint. Taro Troada, o Pavle gelo ki Makedonija. Ali, ine but nazalimo adalese sose O Tit na sretningale ko Troada za da te soopstinel olese vestija za ki crkva ko Korint (2.Korintjanite 2:12-13).

Kratko palo odova, O Tit konecno sretninga e Pavle ki Makedonija. Ov vakerga olese sar i crkva reagiringa but povolno ko opomene e apostolese (2.Korintjanite 7:5-9,13-16).



Jek taro puciba so trebinga te resinenle odnesingape bashi i crkovno disciplina. Sunibaja e apostole, i strana koja pagili ine ukorimi thaj oj prifatinga o ukor. A akana, o Pavle zamolinelalen te keren o sledno cekori: oprostiba thaj obnova (2.Korintjanite 2:5-11).

O MIRIS E HRISTOSO

„Sose amen inam angla ko Devel blagoprijatno miris Hristoso thaj maskar okolende so spasinene thaj maskar okola kola perena“
(2.Korintjanite 2:15)



Komentiribaja za odova sar O Devel „pravga o udara“ za ko uspesno propovediba taro evangelie ko Troada, o Pavle izbuvinga taro vikiba ki pofalba thaj pobeda: „Ali, fala e Devlese, Kova uvek vodinelamen ki pobeda ko Hristos thaj preku amende sirinelale segde o miris taro pencaripe Oleste“ (2.Korintjanite 2:14).

Sar segde prisutno miris, o pencariba taro Hristos dopirinela ci ki sekoja dusa. Za ko Korintjanija, sar thaj amenge, akava miris tano miris za vecno zivoto.

! Za okola kola frdela o povik, ov tano miris za ko meriba (2.Korintjanite 2:15-16). !



Fokusiribaja pes ko odgovornost so akava podrazbirinela, o Pavle objasninela deka i poraka mora te delpe iskreno, bizo te rodelpe nisavi licno dobivka, nego spasienje e slusatelenge (2.Korintjanite 2:17).



„Akava verno glasniko (O Tit) anga i radosno vest deka maskar ko korintska vernikija slucingape prekrasno promena. But cene prifatinge i pouka za ko pismo e Pavleso thaj pokaingepe za pire grevija. O Zivoto so akana vodingepe povise na ine sram za ko hristijanstvo, nego inele silno vlijanije ko korist za ki prakticno pobožnost.

Adava pokaiba predizvikuinela ine taro vlijanije tari boženstveno blagodar ko srce vodinela ci ko ispoved thaj napustiba taro grevo. Adala ine o prva plodija za kolende o apostoli izjavinga deka diklepe ko zivoto ko korintska vernikija.“